

Члан 31.

(Обавеза усклађивања финансијске подршке са прописима о систему државне помоћи)

Подстицајне мјере из овога закона које представљају државну помоћ додјеливаће се у складу са прописима о државној помоћи.

ПОГЛАВЉЕ VI - НАДЗОР

Члан 32.

(Надзор над примјеном закона)

- Надзор над примјеном овог закона и прописа донесених на основу њега врши Министарство.
- Инспекцијски надзор над спровођењем одредби овог закона и прописа донесених на основу њега врше надлежне инспекције, свака у оквиру своје надлежности.

Члан 33.

(Надзор над кориштењем подстицајних средстава)

- Министарство врши надзор над кориштењем подстицајних средстава према посебном поступку прописаном Правилником из члана 23. став (1) овог закона.
- У случају утврђених недостатака у кориштењу додијелиених подстицајних средстава, корисник је дужан вратити додијелена подстицајна средства увећана за износ законске затезне камате о чему Министарство доноси посебно рјешење против којег није дозвољена жалба, али се може покренути управни спор тужбом код надлежног суда.
- Корисник подстицајних средстава којем је наређен поврат средстава или је учинио повреду неке друге уговорне обавезе не може користити подстицајна средства у периоду од 5 година од дана правоснажности рјешења о поврату средстава, односно од дана када је уговорна обавеза требала бити испуњена.

ПОГЛАВЉЕ VII - КАЗНЕНЕ ОДРЕДБЕ

Члан 34.

(Прекршај корисника средстава због ненамјенског кориштења средстава)

- Новчаном казном у износу од 1.000,00 КМ до 10.000,00 КМ казниће се за прекршај корисник средстава - субјект предузетничке инфраструктуре ако ненамјенски користи додијелена средства у реализовању пројекта из члана 23. став (4) тачка а) овог закона.
- Новчаном казном у износу од 500,00 КМ до 2.000,00 КМ казниће се и одговорно лице у правном лицу за прекршај из члана 23. став (4) тачка а) овог закона.

Члан 35.

(Покретање прекршајног поступка)

Захтјев за покретање прекршајног поступка за прекршаје из члана 34. овог закона подноси Министарство.

ПОГЛАВЉЕ VIII - ПРЕЛАЗНЕ И ЗАВРШНЕ ОДРЕДБЕ

Члан 36.

(Рок за испуњење услова за постојеће субјекте предузетничке инфраструктуре)

- Постојећи субјекти предузетничке инфраструктуре дужни су у складу са чланом 19. овог закона, у року од 90 дана од дана ступања на снагу, Министарству поднијети захтјев за упис у Регистар.
- Субјекти предузетничке инфраструктуре који су уписани у Регистар, имају право на пријаву за кориштење система подршке у складу са одредбама овог закона.
- Субјекти предузетничке инфраструктуре из става 1. овог члана обавезни су ускладити се са одредбама овог закона најкасније у року од 24 мјесеца од дана ступања на снагу овог закона.

Члан 37.

(Доношење подзаконских аката)

Министар ће донијети пропис из члана 10. став (4), члана 19. став (4) и члана 23. став (1) овог закона у року од 90 дана од дана ступања на снагу овог закона.

Члан 38.

(Ступање на снагу)

Овај закон ступа на снагу осмог дана од дана објављивања у "Службеним новинама Федерације БиХ".

Председавајући
Дома народа
Парламента Федерације
БиХ
Томислав Мартиновић, с. р.

Председавајућа
Представничког дома
Парламента Федерације
БиХ
Мирјана Маринковић-
Лепић, с. р.

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O PODUZETNIČKOJ
INFRASTRUKTURI U FEDERACIJI
BOSNE I HERCEGOVINE

Proglašava se Zakon o poduzetničkoj infrastrukturi u Federaciji Bosne i Hercegovine, koji je usvojio Parlament Federacije Bosne i Hercegovine na sjednici Predstavničkog doma od 22.04.2024. godine i na sjednici Doma naroda od 16.05.2024. godine.

Broj 01-02-1-230-01/24
31. maja 2024. godine
Sarajevo

Predsjednica
Lidija Bradara, s. r.

ZAKON

O PODUZETNIČKOJ INFRASTRUKTURI U
FEDERACIJI BOSNE I HERCEGOVINE

POGLAVLJE I - OPĆE ODREDBE

Član 1.

(Predmet Zakona)

Ovim zakonom uređuje se institucionalni okvir poduzetničke infrastrukture, poduzetnička infrastruktura, registar poduzetničke infrastrukture, sistem podrške za unapređenje poduzetničke infrastrukture, upravni nadzor, kaznene odredbe i prijelazne i završne odredbe te druga pitanja od značaja za poduzetničku infrastrukturu u Federaciji Bosne i Hercegovine (u daljnjem tekstu: Federacija).

Član 2.

(Odredba o zabrani diskriminacije)

- U postupcima propisanim ovim zakonom, promoviraju se principi jednakih prilika te se zabranjuje svaki oblik diskriminacije, nasilja i uznemiravanja na osnovu spola, jezika, nacionalne pripadnosti, vjeroispovijesti, socijalnog porijekla, obrazovanja, imovinskog stanja, političkog ili drugog uvjerenja.
- Gramatički izrazi upotrijebljeni u ovom zakonu za označavanje muškog ili ženskog roda podrazumijevaju oba spola, osim kada je svrha ovog zakona drugačija.

Član 3.

(Svrha uspostavljanja poduzetničke infrastrukture)

Uspostavljanje poduzetničke infrastrukture u Federaciji omogućava:

- brži rast poduzetništva i povećanje investicija i zaposlenosti unutar područja na kojem se poduzetnička infrastruktura planira, odnosno gradi te potiče privredni

rast planiranjem i pravovremenom izgradnjom poduzetničke infrastrukture, koja je u funkciji ravnomjernog razvoja Federacije, kantona i jedinica lokalne samouprave;

- b) stvaranje u potpunosti infrastrukturno opremljenih poduzetničkih područja, visokog nivoa lokacijske konkurentnosti i sistema podrške za poslovanje u tim područjima u Federaciji sa posebnim usmjerenjem ka poticanju razvoja i primjene modernih tehnologija u poslovnim procesima, s ciljem kreiranja usluga i proizvoda visoke dodane vrijednosti.

Član 4. (Definicije)

U smislu ovog zakona, pojedini izrazi koji se u njemu koriste imaju sljedeća značenja:

- a) **poduzetnička infrastruktura** predstavlja ukupnost svih prostorno specifičnih oblika odvijanja različitih poduzetničkih aktivnosti nastalih kao rezultat planiranog i organizovanog prostorno-razvojnog koncepta jedinica lokalne samouprave, kantona, odnosno Federacije;
- b) **poduzetnička područja** su područja obavljanja poslovnih aktivnosti subjekata poduzetničke infrastrukture;
- c) **poduzetničke aktivnosti** su aktivnosti edukacije i motivacije potencijalnih poduzetnika za ulazak u poduzetništvo, aktivnosti poticanja poduzetnika u ranoj fazi poduzetničke aktivnosti i aktivnosti usmjerenih na poticanje rasta i razvoja poduzetništva u kasnijim fazama životnog ciklusa poduzetnika;
- d) **poduzetničke zone** su poslovni subjekti usmjereni na stvaranje kvalitetnog, korisnički orijentisanog poduzetničkog okruženja u Federaciji, infrastrukturno opremljena područja definisana važećim prostorno planskim dokumentima namijenjena obavljanju privrednih djelatnosti;
- e) **slobodna zona** je dio carinske teritorije u Federaciji, koji je posebno ograđen i označen i u kojem se privredne djelatnosti obavljaju uz posebne uslove u skladu sa važećom zakonskom regulativom vezanom za carinsku politiku i slobodne zone;
- f) **tehnološko-poduzetnički centri** su poslovni subjekti usmjereni na korištenje, istraživanje i razvoj modernih tehnologija, integraciju i saradnju naučno-obrazovnih institucija i poslovnih subjekata, razvoj i unapređenje poslovnih subjekata čija je djelatnost vezana za korištenje modernih tehnologija;
- g) **poduzetničke potporne institucije** su poslovni subjekti usmjereni na stvaranje kvalitetnog, korisnički orijentisanog poduzetničkog okruženja u Federaciji koji provode programe za razvoj poduzetništva;
- h) **poduzetničke zone od posebnog interesa** su poslovni subjekti usmjereni na stvaranje kvalitetnog, korisnički orijentisanog poduzetničkog okruženja u Federaciji, koje se osnivaju u cilju privlačenja strateških investicijskih projekata, čija je veličina raspoložive slobodne površine minimalno 50 hektara, a dio su ukupne poduzetničke infrastrukture;
- i) **poduzetnik** je pravna ili fizička osoba, koja obavlja dopuštene djelatnosti radi ostvarivanja dobiti odnosno dohotka, uključujući samozapošljavanje i porodične poslove povezane sa obrtom i drugim djelatnostima, registrovan kod nadležnog tijela, bez obzira na pravni oblik organizovanja;
- j) **poduzetništvo** se odnosi na mogućnost pojedinca da ideju pretvori u djelo, a uključuje kreativnost, inovaciju

i preuzimanje rizika, kao i mogućnost da poslovni subjekat planira i provede projekte kako bi postigao određene ciljeve;

- k) **poslovni subjekat** je privredno društvo osnovano s ciljem obavljanja privredne djelatnosti, javno preduzeće i druga pravna osoba koja se osniva u skladu sa zakonima Federacije, a s ciljem unapređenja poduzetničke infrastrukture;
- l) **registar poduzetničke infrastrukture** je integrisana elektronska baza podataka subjekata poduzetničke infrastrukture Federacije;
- m) **podrške** su sva materijalna i nematerijalna davanja subjektima poduzetničke infrastrukture u Federaciji za unapređenje njihovih poslovnih aktivnosti;
- n) **upravitelj poduzetničke zone** je subjekat naveden u odluci o osnivanju poduzetničke zone kome je osnivač povjerio upravljanje poduzetničkom zonom.

POGLAVLJE II - INSTITUCIONALNI OKVIR PODUZETNIČKE INFRASTRUKTURE

Član 5.

(Nosioci sistema podrške za unapređenje poduzetničke infrastrukture)

- (1) Nosioci sistema podrške za unapređenje poduzetničke infrastrukture u smislu ovog zakona su: Vlada Federacije Bosne i Hercegovine (u daljnjem tekstu: Vlada Federacije), vlade kantona, Federalno ministarstvo razvoja, poduzetništva i obrta (u daljnjem tekstu: Ministarstvo), federalna tijela uprave i federalne upravne organizacije (u daljnjem tekstu: federalna tijela uprave), kantonalna tijela uprave i kantonalne upravne organizacije (u daljnjem tekstu: kantonalna tijela uprave), općine i gradovi kao jedinice lokalne samouprave (u daljnjem tekstu: jedinice lokalne samouprave), obrazovne institucije u smislu odredbi propisa kojima se definiše obrazovanje u Federaciji te pravna lica i drugi organizacioni oblici sa sjedištem u Federaciji registrovani za privrednu djelatnost.
- (2) Nosioci sistema podrške za unapređenje poduzetničke infrastrukture iz stava (1) ovog člana koordiniraju aktivnosti, predlažu mjere podrške i razvojne projekte iz svoje nadležnosti u skladu sa aktuelnim potrebama uspostave i razvoja poduzetničke infrastrukture te neposredno provode aktivnosti i mjere za koje su zaduženi.

Član 6.

(Subjekti poduzetničke infrastrukture)

- (1) Subjekti poduzetničke infrastrukture, u smislu ovog zakona, su poduzetničke zone, poduzetničke potporne institucije i tehnološko-poduzetnički centri, registrovani kod nadležnog suda za registraciju određenog oblika poduzetničke infrastrukture.
- (2) U skladu sa odredbama ovog zakona, inostrani ulagači imaju ista prava i obaveze kao i državljani Bosne i Hercegovine.

Član 7.

(Osnivači poduzetničke infrastrukture)

- (1) Osnivači poduzetničke infrastrukture su pravna lica koje provode programe usmjerene na razvoj poduzetništva: Vlada Federacije, vlade kantona, Ministarstvo, jedinice lokalne samouprave i drugi organizacioni oblici osnovani od strane jedinice lokalne samouprave, poslovni subjekti, javna preduzeća, privredne i obrtničke komore, obrazovne institucije iz člana 5. stav (1) ovog zakona te udruženja i druga pravna lica sa sjedištem u Federaciji BiH koje su registrovane za djelatnosti koje unapređuju razvoj poduzetničke infrastrukture i/ili koje se bave i/ili promoviraju istraživanje, inovacije i tehnološki razvoj u poslovnom sektoru.

- (2) Svaki nivo vlasti u Federaciji, u skladu sa nadležnostima, donosi odluku o osnivanju poduzetničke zone, ako su iste definisane važećim prostorno planskim dokumentima.
- (3) Vlada Federacije na prijedlog Министарства donosi odluku o osnivanju poduzetničke zone od posebnog привредног интереса. Иницијативу за проглашење подузетничке зоне од посебног привредног интереса, Министарству могу подnijети и владе кантона и јединице локалне самоуправе.

ПОГЛАВЉЕ III - ПОДУЗЕТНИЧКА ИНФРАСТРУКТУРА

Члан 8.

(Систем подузетничке инфраструктуре)

- (1) Систем подузетничке инфраструктуре у Федерацији чине:
 - a) подузетничке зоне;
 - b) подузетничке потпорне институције;
 - c) технолошки-подузетнички центри;
 - d) слободне зоне.
- (2) Слободне зоне из става (1) овог члана су пословни субјекти чије је оснивање, рад и престанак рада регулисан посебним законом.

Члан 9.

(Опремљеност подузетничке инфраструктуре)

Подузетничка инфраструктура треба бити опремљена:

- a) **енергетском инфраструктуром** (електрична енергија, јавна расвјета, прикључци на јавну мрежу и/или изградена трафостаница и други енергетски прикључци);
- b) **комуналном инфраструктуром** (снабдевање водом, водоводне и оборинске инсталације, канализација и одводња-фекална, оборинска, технолошка, прикључци на јавну мрежу и др.);
- c) **саобраћајном инфраструктуром** (приступни путеви, путеви унутар подузетничке зоне, паркиралишта и др.);
- d) **комуникацијском инфраструктуром** (телефонски и интернетски прикључци и др.).

A) Подузетничке зоне

Члан 10.

(Оснивање подузетничких зона)

- (1) Основна карактеристика подузетничких зона је заједничко коришћење инфраструктурно опремљеног и организованог cjelovitog простора од стране подузетника, којима се пословањем унутар подузетничке зоне омогућава рационализација пословања и употреба расположивих ресурса подузетничке зоне заједно са осталим корисницима зоне.
- (2) Подузетничка зона у смислу овог закона не може бити простор који је просторно planskom документацијом дефинисан као пословно-стамбена зона, нити се у подузетничкој зони може налазити стамбени простор.
- (3) Оснивање подузетничке зоне проводи се кроз слjedeће фазе:
 - a) **фаза I** - припрема подузетничке зоне која обухвата: спознају о потреби оснивања подузетничке зоне, доношење одлуке о припремним радњама, израда пред инвестијске студије - студије оправданости оснивања подузетничке зоне, доношење одлуке о оснивању подузетничке зоне из члана 7. став (2) овог закона, регулисање имовинско-правних односа у складу са одредбама прописа о стварним правима у Федерацији, израда детаљног просторно planskog документа зоне, израда студије uticaja на okoliш према EIA директиви Европске уније, израда идејног, главног и изведбеног пројекта свих садржаја подузетничке зоне те израда инвестијске студије подузетничке зоне - студије изводљивости;
 - b) **фаза II** - реализација успоставе подузетничке зоне која обухвата sljedeće кораке: планирање и проналажење

извора финансирања за успоставу подузетничке зоне (средства из буџета јединица локалне самоуправе, подршка кантона, подршка Министарства, јавно-приватно партнерство, претприступни фондови Европске уније, приватни сектор), развој инфраструктуре у подузетничкој зони (енергетска, комунална, саобраћајна и комуникацијска инфраструктура) и уређење простора, праћење успоставе подузетничке зоне, provođenje procesa nastajivanja korisnika poduzetničke zone, provođenje zajedničkih marketinških i promotivnih aktivnosti poduzetničke zone te zajednički pristup tržištu;

- c) **фаза III** - развој подузетничке зоне која обухвата sljedeće кораке: provođenje kontinuiranih promotivnih aktivnosti poduzetničke zone i privlačenje investitora, pružanje podrške инвеститорима у подузетничкој зони за почетак и за vrijeme poslovanja у подузетничкој зони, osiguranje комуналних услуга и сервисне подршке инвеститорима у подузетничкој зони, osiguranje kontakata и saradnje са финансијским институцијама, obrazovnim сектором, тржиштем радне снаге и другим пружаоцима услуга неопходних за nesmetani развој подузетничке зоне.
- (4) Федерални министар развоја, подузетништва и обрта (у daljnjem tekstu: министар) donosi правилник којим се ближе uređuju фазе успоставе подузетничке зоне.

Члан 11.

(Критерији категоризације подузетничких зона)

Категоризација подузетничких зона се врши према три основна критерија:

- a) величина укупне површине подузетничке зоне;
- b) врста активности која се проводи у подузетничкој зони;
- c) степен активације расположиве површине подузетничке зоне.

Члан 12.

(Подузетничке зоне према величини укупне површине)

- (1) Према величини укупне површине подузетничке зоне dijele се на:
 - a) микро зоне - величине укупне површине до 10 ha;
 - b) male зоне - величине укупне површине од 10 до 15 ha;
 - c) srednje зоне - величине укупне површине од 50 до 100 ha;
 - d) velike зоне - величине укупне површине преко 100 ha.
- (2) Укупна површина подузетничке зоне из става (1) овог члана дефинише се ваžećим просторно-planskim документом и одлуком о оснивању подузетничке зоне, који обавезно садржи popis свих земљишних парцела и катастарских честица у дефинисаном обухвату зоне које чине јединствену cjelinu.
- (3) Расположива површина подузетничке зоне укључује оне земљишне парцеле које су намијенјене подузетницима за обављање подузетничких активности унутар подузетничке зоне, односно земљишне парцеле у власништву оснивача подузетничке зоне, укључујући и земљишне парцеле других власника са којима је оснивач obligaciono дефинисао начине располагања земљиштем.
- (4) Расположива површина подузетничке зоне рачуна се тако да се од укупне површине подузетничке зоне одузме површина свих земљишних парцела које нису намијенјене подузетницима, односно земљишне парцеле намијенјене инфраструктури у зони (цесте, све врсте водова, заједничка паркиралишта, зелене површине и друге површине намијенјене заједничком коришћењу) и земљишне парцеле у власништву физичких особа које нису подузетници и са којима оснивач није дефинисао obligacione начине располагања земљиштем, а у складу са ваžećим просторно planskim документом.

- (5) Aktivna površina poduzetničke zone uključuje one zemljišne parcele na kojima je poduzetnik započeo građevinske i/ili poduzetničke aktivnosti ili na njima obavlja poduzetničku aktivnost unutar poduzetničke zone, a u skladu sa važećim prostorno- planskim dokumentom.
- (6) Proširenjem poduzetničke zone smatra se proširenje ukupne površine poduzetničke zone na zemljišne parcele koje u prirodi sa površinom poduzetničke zone predstavljaju infrastrukturnu ekonomsku cjelinu i nisu sadržane u odluci o osnivanju, a koje mogu biti stavljene na raspolaganje za proširenje poduzetničke zone. Opravdanost proširenja poduzetničke zone predmetnim zemljišnim parcelama dokazuje se važećim prostorno-planskim dokumentima koje dostavlja osnivač poduzetničke zone, a sadržani su u odluci o osnivanju.

Član 13.

(Poduzetničke zone prema vrsti aktivnosti)

Prema vrsti aktivnosti koje se obavljaju unutar zone, poduzetničke zone dijele se na:

- a) **proizvodno-prerađivačke zone** - u kojim više od 50% od ukupnog broja poduzetnika u zoni obavlja proizvodno-prerađivačke poduzetničke aktivnosti ili u kojim više od 50% raspoložive površine poduzetničke zone zauzimaju poduzetnici koji obavljaju proizvodno-prerađivačku poduzetničku aktivnost;
- b) **uslužno-servisne zone** - u kojim više od 50% od ukupnog broja poduzetnika u zoni obavlja uslužne aktivnosti, servisne aktivnosti, aktivnosti poslovne podrške i druge poduzetničke aktivnosti ili u kojim više od 50% raspoložive površine poduzetničke zone zauzimaju poduzetnici koji obavljaju uslužne aktivnosti, servisne aktivnosti, aktivnosti poslovne podrške i druge poduzetničke aktivnosti;
- c) **logističko-distributivne zone** - u kojim više od 50% od ukupnog broja poduzetnika u zoni obavlja logističko-distributivne aktivnosti (distributivni centri, veletrgovina, skladištenje i prijevoz, logističko-servisni centri i dr.) ili u kojim više od 50% raspoložive površine poduzetničke zone zauzimaju poduzetnici koji obavljaju logističko-distributivne aktivnosti;
- d) **mješovite zone** - u kojim poduzetnici u zoni mogu obavljati različite proizvodno-prerađivačke aktivnosti, uslužno-servisne aktivnosti i logističko-distributivne aktivnosti.

Član 14.

(Poduzetničke zone prema stepenu aktivacije raspoložive površine)

Prema stepenu aktivacije raspoložive površine poduzetničke zone dijele se na:

- a) **neaktivne** - u kojim stepen aktivacije (popunjenost aktivnim poduzetnicima) raspoložive površine zone iznosi 0 % (0 ha aktivirane površine poduzetničke zone), nakon isteka prve godine od osnivanja poduzetničke zone;
- b) **u inicijalnoj aktivaciji** - u kojim stepen aktivacije poduzetničke zone iznosi < 20 % raspoložive površine poduzetničke zone, izraženo u hektarima površine poduzetničke zone;
- c) **srednje aktivne** - u kojim stepen aktivacije poduzetničke zone iznosi $\geq 20\%$ < 60 % raspoložive površine poduzetničke zone, izraženo u hektarima površine poduzetničke zone;
- d) **potpuno aktivne** - u kojim stepen aktivacije poduzetničke zone iznosi $\geq 60\%$ raspoložive površine

poduzetničke zone, izraženo u hektarima površine poduzetničke zone.

Član 15.

(Upravljanje poduzetničkim zonama)

- (1) Osnivač poduzetničke zone u odluci o osnivanju poduzetničke zone određuje upravitelja poduzetničke zone.
- (2) Upravitelj poduzetničke zone iz stava (1) ovog člana može biti:
 - a) sam osnivač, odnosno njegova tijela i/ili pravne osobe koje su nadležne za privredni razvoj i unapređenje poduzetništva;
 - b) poduzetnička zona kao registrovani samostalni poslovni subjekat;
 - c) zasebna pravna osoba, odnosno poslovni subjekat osnovan od strane osnivača poduzetničke zone samostalno ili u partnerstvu sa drugim pravnim subjektima; i
 - d) drugi poslovni subjekti koji imaju registrovane djelatnosti vezane za razvoj poduzetničke infrastrukture.

B) Poduzetničke potporne institucije

Član 16.

(Oblici poduzetničkih potpornih institucija)

U skladu sa odredbama člana 8. stav (1) tačka b) ovog zakona poduzetničke potporne institucije, kao dio ukupne poduzetničke infrastrukture, su:

- a) **razvojne agencije** - registrovani poslovni subjekti koji obavljaju poslove razvoja privrede i poduzetništva na lokalnom, kantonalnom, regionalnom i federalnom nivou, provode aktivnosti na poticanju i privlačenju investicija te iniciraju i realizuju projekte poticanja ekonomskog razvoja i poduzetništva, objedinjavajući rad privrednih subjekata, lokalnih, kantonalnih i federalnih poduzetničkih institucija te obrazovnih institucija u smislu odredaba propisa kojima se definiše obrazovanje u Federaciji.

Razvojne agencije mogu biti:

- 1) lokalne razvojne agencije - osnovane od strane jedinica lokalne samouprave,
- 2) kantonalne razvojne agencije - osnovane od strane kantonalne vlade,
- 3) regionalne razvojne agencije - osnovane od strane više jedinica lokalne samouprave i kantona ili više kantona,
- 4) Razvojna agencija Federacije - osnovana od strane Vlade Federacije,
- 5) razvojne agencije određene djelatnosti - npr. energetska razvojna agencija, itd. - osnovane od strane jedinica lokalne samouprave ili kantonalnih vlada;
- b) **poduzetnički centri** - registrovani poslovni subjekti koji obavljaju poslove provođenja mjera za razvoj i poticanje poduzetništva na lokalnom i/ili širem području (kanton, Federacija) te predstavljaju centre stručne i edukativne pomoći poduzetnicima u cilju razvoja poduzetništva u sredinama u kojima su osnovani;
- c) **poslovni inkubatori** - registrovani poslovni subjekti koji pružaju pomoć i podršku poduzetnicima u ranoj fazi razvoja poduzetničkih projekata. Inkubatori pružaju stručnu, tehničku i edukativnu pomoć za pokretanje poduzetničkih projekata i preduzeća te njihov brz i održiv razvoj, uključujući poslovne (radne) prostore po povoljnijim uslovima za novoosnovana preduzeća do treće godine poslovanja. Vrste poslovnih inkubatora su:

- 1) poduzetnički inkubatori - registrovani poslovni subjekti koji pružaju podršku uspješnom razvoju poduzetništva kroz poslovne usluge i resurse za poduzetnike, uključujući poslovne (radne) prostore po povoljnijim uslovima za novoosnovana preduzeća,
- 2) inovativni centri - registrovani poslovni subjekti koji doprinose razvoju tehnološke kompetentnosti Federacije i izgradnji industrije visoke dodane vrijednosti provodeći razvojna istraživanja, pružajući infrastrukturu za inovacije te promovirajući nove tehnologije u područjima za koja su osnovani, a umreženi su sa domaćom i međunarodnom akademskom zajednicom, privatnim i javnim sektorom,
- 3) inkubatori novih tehnologija - registrovani poslovni subjekti koji su specijalizovani, fokusirani i usmjereni na područja nove (visoke) tehnologije, koji podržavaju pokretanje i rast inovativnog poduzetništva kroz inkubacijske programe te koji novoosnovanim inovativnim preduzećima sličnog profila i interesa pružaju resurse i profesionalne usluge potrebne za rast i razvoj, uključujući istraživačko-razvojne jedinice te poslovne (radne) prostore po povoljnijim uslovima za novoosnovana preduzeća;
- d) **poduzetnički akceleratori** - registrovani poslovni subjekti koji su specijalizovani za pružanje usluga podrške poduzetnicima u postinkubacijskoj fazi, odnosno u fazi razvoja i širenja poslovanja na domaćem i inostranom tržištu;
- e) **naučno-tehnološki parkovi** - registrovani poslovni subjekti koji komercijalizuju naučne rezultate, potiču saradnju naučnika i poduzetnika, a u skladu sa odredbama Zakona kojima se reguliše naučna djelatnost i visoko obrazovanje u Federaciji. Izrazi "naučno-tehnološki park", "tehnopol", "istraživački park" i "naučni park" obuhvataju širok pojam i zamjenjivi su unutar ove definicije.
- f) **klasteri** - registrovani poslovni subjekti koji na jednom geografskom području objedinjuju rad međusobno povezanih poslovnih subjekata koji posluju u istim, srodnim ili različitim djelatnostima i sa njima povezanim specijalizovanim dobavljačima, pružateljima usluga, obrazovnim i naučnoistraživačkim institucijama, agencijama i drugima.

C) Tehnološko-poduzetnički centri

Član 17.

(Oblici tehnološko-poduzetničkih centara)

U skladu sa odredbama člana 8. stav (1) tačka c) ovog zakona tehnološko-poduzetnički centri, kao dio ukupne poduzetničke infrastrukture, su:

- a) **poslovno-tehnološki centri** - registrovani poslovni subjekti sa fizičkim prostorima i potrebnim infrastrukturnim resursima za smještaj malih, srednjih i velikih poduzetnika u kojim jedan ili više poslovnih subjekata obavlja djelatnosti računarskog programiranja, razvoja softvera i aplikacija, obrade podataka primjenom informacionih tehnologija, sa posebnim fokusom na privlačenje domaćih i inostranih investicija, razvoj i primjenu modernih tehnologija;
- b) **istraživačko-tehnološki centri** - registrovani poslovni subjekti, koje zajednički osnivaju visokoobrazovne institucije ili naučno-istraživački instituti sa poslovnim

subjektima sa ciljem investiranja poslovnih subjekata u istraživanje i razvoj, razvijanje inovacija i upotrebe novih tehnologija. Međusobna prava i obaveze osnivača i članica istraživačko-tehnološkog centra uređuju se ugovorom;

- c) **centri kompetencije** - registrovani poslovni subjekti koji su specijalizovani za istraživačke projekte razvojnog ili proizvodnog obilježja i koji razvijaju kompetencije u pojedinim područjima te sa kojima drugi poslovni subjekti mogu ugovarati usluge istraživanja i razvoja u svrhu jačanja pojedinih industrijskih grana. Usmjereni su na razvojna i primijenjena istraživanja i njihovu komercijalizaciju te podršku i jačanje intelektualnog vlasništva unutar specifičnih tematskih područja i grana kompetencije. Izrazi "centri kompetencije" i "centri izvrsnosti" obuhvataju širok pojam i zamjenjivi su unutar ove definicije.

POGLAVLJE IV - REGISTAR PODUZETNIČKE INFRASTRUKTURE

Član 18.

(Registar poduzetničke infrastrukture)

- (1) Ministarstvo u skladu sa odredbama ovog zakona uspostavlja i vodi Registar poduzetničke infrastrukture (u daljnjem tekstu: Registar) u koji se upisuju subjekti poduzetničke infrastrukture (poduzetničke zone, poduzetničke potporne institucije i tehnološko-poduzetnički centri).
- (2) Registar iz stava (1) ovog člana vodi Ministarstvo kao modul uspostavljenog informacionog sistema sa internet portalom poduzetničkih zona u Federaciji ili nezavisno kao sistematizovanu i funkcionalnu bazu podataka poduzetničkih zona i poduzetničkih potpornih institucija u Federaciji.

Član 19.

(Upis i dostavljanje podataka u Registar)

- (1) Subjekti poduzetničke infrastrukture nakon registracije kod nadležnog tijela dužni su Ministarstvu dostaviti zahtjev za upis u Registar sa traženim podacima u roku od 30 dana.
- (2) O svakoj promjeni podataka subjekti poduzetničke infrastrukture dužni su obavijestiti Ministarstvo, najkasnije u roku od 30 dana od dana nastale promjene.
- (3) Upisom u Registar i redovnim izvještavanjem o promjeni podataka, subjekti poduzetničke infrastrukture u Federaciji stiču pravo na prijavu za korištenje podrške Ministarstva i drugih nosilaca sistema podrške za unapređenja poduzetničke infrastrukture iz člana 5. ovog zakona.
- (4) Ministar donosi pravilnik koji će definisati potrebne podatke za upis u Registar, uslove i način upisa, obrasce, vođenje, brisanje i korištenje podataka iz Registra.

POGLAVLJE V - SISTEM PODRŠKE ZA UNAPREĐENJE PODUZETNIČKE INFRASTRUKTURE

Član 20.

(Sistem podrške za unapređenje poduzetničke infrastrukture)

Sistem podrške za unapređenje poduzetničke infrastrukture odnosi se na unapređenje poslovnih aktivnosti poduzetničkih zona, poduzetničkih potpornih institucija i tehnološko-poduzetničkih centara, prema sljedećim prioritetima:

- a) unapređenje uslova poduzetničke infrastrukture za privlačenje domaćih i inostranih investicija;
- b) kreiranje povoljnog poslovnog okruženja za pametnu industriju (Industrija 4.0);
- c) poticanje poduzetništva novih tehnologija i zelenog poduzetništva;
- d) jačanje konkurentnosti subjekata poduzetničke infrastrukture;

- e) povećanje broja zaposlenih i broja poslovnih subjekata;
- f) poticanje internacionalizacije poslovanja.

Član 21.

(Ciljevi sistema podrške za unapređenje poslovnih aktivnosti poduzetničkih zona, poduzetničkih potpornih institucija i tehnološko-poduzetničkih centara)

Ciljevi sistema podrške za unapređenje poslovnih aktivnosti poduzetničkih zona, poduzetničkih potpornih institucija i tehnološko-poduzetničkih centara su:

- a) unapređenje pravovremene izgradnje poduzetničke infrastrukture koja je u funkciji ravnomjernog razvoja Federacije, a zasnovana je na prostorno-planskim dokumentima;
- b) unapređenje energetske, komunalne, saobraćajne i komunikacijske infrastrukture unutar poduzetničkih zona;
- c) izgradnja u potpunosti infrastrukturno opremljenih poduzetničkih zona i poduzetničkih potpornih institucija visokog nivoa lokacijske konkurentnosti;
- d) privlačenje investicija i stvaranje mogućnosti za otvaranje novih radnih mjesta;
- e) uređenje i opremanje prostora za poduzetničku djelatnost zasnovanu na primjeni inovacija i primjeni visokih tehnologija;
- f) razvoj poduzetničkih potpornih institucija;
- g) razvoj tehnološko-poduzetničkih centara;
- h) podizanje nivoa poduzetničkih kompetencija.

Član 22.

(Program poticaja)

- (1) Ministarstvo, na osnovu Strategije razvoja Federacije, politike Vlade Federacije i u skladu sa analizom stanja u oblasti poduzetničke infrastrukture, predlaže Program poticaja za razvoj poduzetničke infrastrukture u Federaciji (u daljnjem tekstu: Program) za svaku kalendarsku godinu.
- (2) Program usvaja Vlada Federacije, na prijedlog Ministarstva najkasnije u roku od 60 dana od dana stupanja na snagu Zakona o izvršavanju Budžeta Federacije. Program obavezno sadrži pregled stanja i trendove u oblasti poduzetničke infrastrukture, kao i ciljeve i mjere koji će se realizovati kroz razvojne projekte.
- (3) Razvojni projekti obavezno sadrže naziv projekta, visinu sredstava potrebnih za realizaciju projekta, ciljeve projekta, kriterije za dodjelu sredstava, kategoriju korisnika sredstava za realizaciju projekta, projekciju željenog stanja na kraju perioda obuhvaćenog projektom, rokove realizovanja i pokazatelje za praćenje i vrednovanje.

Član 23.

(Provođenje Programa)

- (1) Provođenje Programa vrši se prema posebnom postupku koji pravilnikom propisuje ministar.
- (2) Pravilnik iz stava (1) ovog člana obavezno sadrži:
 - a) metodologiju rada, kojom se osigurava javnost rada;
 - b) uslove za izbor korisnika sredstava u provođenju Programa;
 - c) obavezu i rok definisanja i uređenja odnosa odgovarajućim pravnim aktom između nosioca planiranih mjera iz Programa i korisnika sredstava u provođenju Programa;
 - d) način izvještavanja i praćenja provođenja Programa, usklađen sa procedurom praćenja realizacije Programa rada Vlade.
- (3) Odluku o dodjeli sredstava za realizaciju Programa donosi Vlada Federacije na prijedlog ministra. Protiv navedene odluke nije dozvoljena žalba, ali se može pokrenuti upravni spor koji ne odlaže njeno izvršenje.

- (4) U cilju provođenja Programa korisnici sredstava iz člana 22. stav (3) su obavezni:

- a) dodijeljena poticajna sredstva koristiti u skladu sa namjenom i uslovima utvrđenim pravnim aktom iz stava (2) tačka c) ovog člana;
- b) pridržavati se ugovoreni rokova za realizaciju projekta;
- c) pridržavati se rokova za izvještavanje o realizovanju preuzetih obaveza.

- (5) U slučaju neispunjavanja uslova iz stava (4) tačka a) ovog člana donijet će se rješenje o povratu dodijeljenih poticajnih sredstava protiv kojeg nije dozvoljena žalba, ali se može pokrenuti upravni spor koji ne odlaže izvršenje rješenja.

Član 24.

(Sistem finansijske podrške za poduzetničke zone)

Sistem finansijske podrške za poduzetničke zone čine četiri vrste podrške i to za:

- a) **izradu planskih dokumenata i studija** - izrada studije opravdanosti osnivanja i uspostavljanja poduzetničke zone; izrada idejnog, glavnog i izvedbenog projekta svih sadržaja poduzetničke zone; izrada investicione studije poduzetničke zone - studije izvodljivosti i dr.;
- b) **infrastrukturnu podršku** - za izgradnju energetske, komunalne, saobraćajne i komunikacijske infrastrukture u poduzetničkoj zoni;
- c) **jačanje konkurentnosti** - za izlazak na nova, međunarodna tržišta i ciljano privlačenje potencijalnih investitora - korisnika poduzetničke zone;
- d) **jačanje poduzetničkih kompetencija** - edukacija i unapređenje poduzetničkih kompetencija.

Član 25.

(Procjena efekta sistema finansijske podrške za poduzetničke zone)

Pri dodjeli finansijske podrške iz člana 24. ovog zakona Ministarstvo na godišnjem nivou izrađuje procjenu efekta sistema finansijske podrške posebno vodeći računa o:

- a) jednakom tretmanu i tržišnoj konkurenciji svih poduzetničkih zona na teritoriji Federacije;
- b) ravnomjernom ekonomskom razvoju svih dijelova Federacije;
- c) ekonomskoj opravdanosti podrške u smislu dostignutog stepena aktivacije raspoložive površine poduzetničke zone.

Član 26.

(Sistem finansijske podrške za poduzetničke potporne institucije)

Sistem finansijske podrške za poduzetničke potporne institucije čine četiri vrste podrške i to za:

- a) **izradu planskih dokumenata i studija** - izrada infrastrukturnih projekata uključujući izradu idejnih, glavnih i izvedbenih projekata, studija izvodljivosti i koristi;
- b) **jačanje kapaciteta** - izgradnja, adaptacija, rekonstrukcija i opremanje objekata poduzetničkih potpornih institucija
- c) **podizanje kvaliteta usluga** - pružanje savjetodavnih i mentorskih usluga, razvojno- istraživačkih i tehničko-tehnoloških usluga, ciljano privlačenje investicija, pružanje stručne pomoći za razvoj poslovanja, umrežavanje i širenje tržišta;
- d) **jačanje poduzetničkih kompetencija** - podizanje konkurentne sposobnosti poduzetnika edukacijom i unapređenjem poduzetničkih znanja i vještina.

Члан 27.

(Procjena efekata sistema finansijske podrške za poduzetničke potporne institucije)

Pri dodjeli finansijske podrške iz člana 26. ovog zakona Ministarstvo na godišnjem nivou izrađuje procjenu efekta sistema podrške, posebno vodeći računa o:

- jednakom tretmanu i tržišnoj konkurenciji poduzetničkih potpornih institucija na teritoriji Federacije;
- ravnomjernom ekonomskom razvoju svih dijelova Federacije;
- ekonomskoj opravdanosti podrške u smislu dostignutog stepena uključivanja poduzetnika u aktivnosti poduzetničke potporne institucije; i
- broj i kvalitet realizovanih projekata koji za cilj imaju razvoj poduzetništva.

Члан 28.

(Sistem finansijske podrške za tehnološko-poduzetničke centre)

Sistem finansijske podrške za tehnološko-poduzetničke centre čine tri vrste podrške i to za:

- izradu planskih dokumenata i studija** - izrada infrastrukturnih projekata uključujući izradu idejnih, glavnih i izvedbenih projekata, studija izvodljivosti i koristi;
- infrastrukturnu podršku** - za informaciono-komunikacijsku infrastrukturu u tehnološko-poduzetničkim centrima što uključuje i nabavku softvera, plaćanje licenci neophodnih za primjenu modernih tehnologija u proizvodnom procesu;
- jačanje konkurentnosti** - za razvoj novih proizvoda, podrška investicijama poslovnih subjekata za razvoj i istraživanje sa ciljem kreiranja novih proizvoda u saradnji sa naučnoistraživačkim ustanovama, izlazak na nova tržišta i poticanje izvoza i ciljano privlačenje potencijalnih investitora - korisnika poduzetničke zone.

Члан 29.

(Procjena efekata sistema finansijske podrške za tehnološko-poduzetničke centre)

Pri dodjeli finansijske podrške iz člana 28. ovog zakona Ministarstvo na godišnjem nivou izrađuje procjenu efekata sistema podrške, posebno vodeći računa o:

- jednakom tretmanu i tržišnoj konkurenciji tehnološko-poduzetničkih centara na teritoriji Federacije;
- ravnomjernom ekonomskom razvoju svih dijelova Federacije;
- ekonomskoj opravdanosti podrške u smislu dostignutog stepena razvoja i primjene novih tehnologija;
- broj i kvalitet realizovanih projekata koji za cilj imaju razvoj novih proizvoda, primjenu tehnologija u kreiranju proizvoda i ostvareni stepen izvoza i zapošljavanja visokokvalifikovanih kadrova.

Члан 30.

(Finansiranje sistema podrške za unapređenje poslovnih aktivnosti poduzetničkih zona, poduzetničkih potpornih institucija i tehnološko-poduzetničkih centara)

- Finansijska sredstva za provođenje Programa su sredstva iz Budžeta Federacije.
- Visina finansijskih sredstava iz stava (1) ovog člana za svaku kalendarsku godinu iznosi minimalno 0,3% prihoda Budžeta Federacije umanjene za doprinose penzijsko-invalidskog osiguranja te namjenske i razgraničene prihode i donacije.
- Odredbe iz stava (2) ovog člana neće važiti u slučaju proglašenja stanja prirodne ili druge nesreće na teritoriji

Federacije te uslijed finansijskih poremećaja koji su doveli do značajnog pada prihoda i primitaka Budžeta Federacije.

- Program se može, zavisno od specifičnosti pojedinog projekta, sufinansirati i iz osiguranih sredstava:
 - budžeta kantona;
 - budžeta jedinica lokalne samouprave;
 - finansijskih resursa međunarodnih finansijskih institucija i organizacija; i
 - ostalih izvora.
- Nosioci sistema podrške za unapređenje poduzetničke infrastrukture iz člana 5. ovog zakona u budžetima planiraju sredstva za razvoj poduzetničke infrastrukture u skladu sa svojim razvojnim prioritetima.

Члан 31.

(Obaveza usklađivanja finansijske podrške sa propisima o sistemu državne pomoći)

Poticajne mjere iz ovoga zakona koje predstavljaju državnu pomoć dodjeljivat će se u skladu sa propisima o državnoj pomoći.

ПОГЛАВЛЈЕ VI - НАДЗОР

Члан 32.

(Nadzor nad primjenom zakona)

- Nadzor nad primjenom ovog zakona i propisa donesenih na osnovu njega vrši Ministarstvo.
- Inspeksijski nadzor nad provođenjem odredbi ovog zakona i propisa donesenih na osnovu njega vrše nadležne inspekcije, svaka u okviru svoje nadležnosti.

Члан 33.

(Nadzor nad korištenjem poticajnih sredstava)

- Ministarstvo vrši nadzor nad korištenjem poticajnih sredstava prema posebnom postupku propisanom Pravilnikom iz člana 23. stav (1) ovog zakona.
- U slučaju utvrđenih nedostataka u korištenju dodijeljenih poticajnih sredstava, korisnik je dužan vratiti dodijeljena poticajna sredstva uvećana za iznos zakonske zatezne kamate o čemu Ministarstvo donosi posebno rješenje protiv kojeg nije dozvoljena žalba, ali se može pokrenuti upravni spor tužbom kod nadležnog suda.
- Korisnik poticajnih sredstava kojem je naređen povrat sredstava ili je učinio povredu neke druge ugovorne obaveze ne može koristiti poticajna sredstva u periodu od 5 godina od dana pravosnažnosti rješenja o povratu sredstava, odnosno od dana kada je ugovorna obaveza trebala biti ispunjena.

ПОГЛАВЛЈЕ VII - КАЗНЕ НЕ ОДРЕДБЕ

Члан 34.

(Prekršaj korisnika sredstava zbog nenamjenskog korištenja sredstava)

- Novčanom kaznom u iznosu od 1.000,00 KM do 10.000,00 KM kaznit će se za prekršaj korisnik sredstava - subjekat poduzetničke infrastrukture ako nenamjenski koristi dodijeljena sredstva u realizovanju projekta iz člana 23. stav (4) tačka a) ovog zakona.
- Novčanom kaznom u iznosu od 500,00 KM do 2.000,00 KM kaznit će se i odgovorno lice u pravnom licu za prekršaj iz člana 23. stav (4) tačka a) ovog zakona.

Члан 35.

(Pokretanje prekršajnog postupka)

Zahtjev za pokretanje prekršajnog postupka za prekršaje iz člana 34. ovog zakona podnosi Ministarstvo.

**ПОГЛАВЉЈЕ VIII - ПРИЈЕЛАЗНЕ I ЗАВРШНЕ
ОДРЕДБЕ****Član 36.**

(Rok za ispunjenje uslova za postojeće subjekte poduzetničke infrastrukture)

- (1) Postojeći subjekti poduzetničke infrastrukture dužni su u skladu sa članom 19. ovog zakona, u roku od 90 dana od dana stupanja na snagu, Ministarstvu podnijeti zahtjev za upis u Registar.
- (2) Subjekti poduzetničke infrastrukture koji su upisani u Registar, imaju pravo na prijavu za korištenje sistema podrške u skladu sa odredbama ovog zakona.
- (3) Subjekti poduzetničke infrastrukture iz stava 1. ovog člana obavezni su uskladiti se sa odredbama ovog zakona najkasnije u roku od 24 mjeseca od dana stupanja na snagu ovog zakona.

Član 37.

(Donošenje podzakonskih akata)

Ministar će donijeti propis iz člana 10. stav (4), člana 19. stav (4) i člana 23. stav (1) ovog zakona u roku od 90 dana od dana stupanja na snagu ovog zakona.

Član 38.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Tomislav Martinović , s. r.	Predsjedavajuća Predstavničkog doma Parlamenta Federacije BiH Mirjana Marinković- Lepić , s. r.
---	---

Temeljem članka IV.B.7. a)(IV) Ustava Federacije Bosne i Hercegovine, donosim

**UKAZ
O PROGLAŠENJU ZAKONA O PODUZETNIČKOJ
INFRASTRUKTURI U FEDERACIJI
BOSNE I HERCEGOVINE**

Prolašava se Zakon o poduzetničkoj infrastrukturi u Federaciji Bosne i Hercegovine, koji je usvojio Parlament Federacije Bosne i Hercegovine na sjednici Zastupničkog doma od 22.4.2024. godine i na sjednici Doma naroda od 16.5.2024. godine.

Broj 01-02-1-230-01/24
31. svibnja 2024. godine
Sarajevo

Predsjednica
Lidija Bradara, v. r.

**ZAKON
O PODUZETNIČKOJ INFRASTRUKTURI U
FEDERACIJI BOSNE I HERCEGOVINE****POGLAVLJE I - OPĆE ODREDBE****Članak 1.**

(Predmet Zakona)

Ovim Zakonom uređuje se institucionalni okvir poduzetničke infrastrukture, poduzetnička infrastruktura, registar poduzetničke infrastrukture, sustav potpore za unaprjeđenje poduzetničke infrastrukture, upravni nadzor, kaznene odredbe i prijelazne i završne odredbe te druga pitanja od značaja za poduzetničku infrastrukturu u Federaciji Bosne i Hercegovine (u daljnjem tekstu: Federacija).

Članak 2.

(Odredba o zabrani diskriminacije)

- (1) U postupcima propisanim ovim Zakonom, promovira se načelo jednakih prilika te se zabranjuje svaki oblik diskriminacije, nasilja i uznemiravanja na temelju spola, jezika, nacionalne pripadnosti, vjeroispovijesti, socijalnog podrijetla, obrazovanja, imovinskog stanja, političkog ili drugog uvjerenja.
- (2) Gramatički izrazi upotrijebljeni u ovom Zakonu za označavanje muškog ili ženskog roda podrazumijevaju oba spola, osim kada je svrha ovog zakona drugačija.

Članak 3.

(Svrha uspostavljanja poduzetničke infrastrukture)

Uspostavljanje poduzetničke infrastrukture u Federaciji omogućava:

- a) brži rast poduzetništva i povećanje investicija i zaposlenosti unutar područja na kojem se poduzetnička infrastruktura planira, odnosno gradi te potiče gospodarski rast planiranjem i pravovremenom izgradnjom poduzetničke infrastrukture, koja je u funkciji ravnomjernog razvoja Federacije, kantona i jedinica lokalne samouprave;
- b) stvaranje u potpunosti infrastrukturno opremljenih poduzetničkih područja visoke razine, lokacijske konkurentnosti i sustava potpore za poslovanje u tim područjima u Federaciji, s posebnim usmjerenjem prema poticanju razvoja i primjeni modernih tehnologija u poslovnim procesima s ciljem kreiranja usluga i proizvoda visoke dodane vrijednosti.

Članak 4.

(Definicije)

U smislu ovog Zakona, pojedini izrazi koji se u njemu koriste imaju sljedeća značenja:

- a) **poduzetnička infrastruktura** predstavlja ukupnost svih prostorno specifičnih oblika odvijanja različitih poduzetničkih aktivnosti nastalih kao rezultat planiranog i organiziranog prostorno-razvojnog koncepta jedinica lokalne samouprave, kantona, odnosno Federacije;
- b) **poduzetnička područja** su područja obavljanja poslovnih aktivnosti subjekata poduzetničke infrastrukture;
- c) **poduzetničke aktivnosti** su aktivnosti edukacije i motivacije potencijalnih poduzetnika za ulazak u poduzetništvo, aktivnosti poticanja poduzetnika u ranoj fazi poduzetničke aktivnosti i aktivnosti usmjerenih na poticanje rasta i razvoja poduzetništva u kasnijim fazama životnog ciklusa poduzetnika;
- d) **poduzetničke zone** su poslovni subjekti usmjereni na stvaranje kvalitetnog, korisnički orijentiranog poduzetničkog okruženja u Federaciji, infrastrukturno opremljena područja definirana važećim prostorno-planskim dokumentima, namijenjena obavljanju gospodarskih djelatnosti;
- e) **slobodna zona** je dio carinskog teritorija u Federaciji, koji je posebno ograđen i označen i u kojem se gospodarske djelatnosti obavljaju uz posebne uvjete u skladu s važećom zakonskom regulativom vezanom za carinsku politiku i slobodne zone;
- f) **tehnološko-poduzetnički centri** su poslovni subjekti usmjereni na korištenje, istraživanje i razvoj modernih tehnologija, integraciju i suradnju znanstveno-obrazovnih institucija i poslovnih subjekata, razvoj i unaprjeđenje poslovnih subjekata čija je djelatnost vezana za uporabu modernih tehnologija;